



Officia Propria Ecclesiae Et Dioecesis Paderbornensis

**Asseburg, Wilhelm Anton von der
Paderbornae, 1764**

XXIII. S. Liborii Ep. & Conf. Patroni Diœc. dup. I. Cl. cum oct. in & extra
Civit.

[urn:nbn:de:hbz:466:1-62764](#)

sata contremuit & vox sponsi, eam ad æternæ vitæ gaudia vocantis, à toto circumstante populo cælitùs audita est. Quo miraculo perculta Gentilium multa millia Christo crediderunt; cùmque Præfectus in eos exercitum immitteret, in Jesu Christi fidei professione, proprio sanguine baptizati, martyrii palmam acceperunt. Margarita autem extra urbem, abscisso capite, virginitatis gloriam honore martyrii cumulavit, decimo tertio Kalendas Augusti, anno trecentesimo. Rx. Afferentur Regi.

IN III. NOCTURNO.

Homil. in Evang. Simile est Regnum cœlorum thelauro, de comm. non Virg.

Rx. *De communi Virg.*

Die XXIII. Iuli.

S. LIBORII EPISC. CONF. PATR.

Dup. 1. Class. cum oīt. in & extra Civit.

Omnia de communi Confess. Pontif. præter propria.

Ora-

Oratio.

Omnipotens sempiterne Deus, qui Ecclesiam tuam in Confessione Sancti nominis tui solidasti: præsta quæsumus; ut quæ Sancti LIBORII Confessoris tui atque Pontificis annua recolit solemnia, ejus apud te suffragiis ab omni mereatur adversitate liberari. Per Dominum.

IN I. NOCTURNO,

Lectiones de communi Confessoris Pontificis

Fidelis Sermo, ut in Breviario.

IN II. NOCTURNO,

Lectione IV.

Beatust Liborius natione gallus, ab ineunte ætate honestis moribus præditus, & liberalibus instructus disciplinis, futuræ sanctitatis specimen dedit: modestiâ & humilitate fuit singulari: divino cultui valdè dedicatus, animi sui devotionem frequenti psalmorum modulatione testabatur. Ejus virtutibus & meritis commotus populus Cenomanensis, ipsum

in

in Episcopum consecrari petiit: ejus vocationi cùm resistere non posset, onus subire cogitur. In eâ dignitate constitutus, omnia Episcopi munia sedulò obivit: sed præcipuè enituit in pauperum cura, quorum angustiis & necessitatibus sublevandis totus insisterebat. *R. Inveni David.*

Lectio V.

Zelo divini cultûs non mediocriter accensus, decem & septem Ecclesiæ in suâ Dioecesi, tûm propriis sumptibus, tûm quorumdam nobis sum fultus auxilio ædificari curavit: quarum census ita destinavit, ut eorum pars ad majoris seu Cathedralis Ecclesiæ luminaria deserviret. Vigilantem & indefessum in suo Episcopali munere animum Deus multis decoravit miraculis: ipsius enim meritis cæci quam plurimi visum receperunt, & dæmones ab obsessis corporibus recedere coacti sunt.

V.

R. Posui adjutorium.

Lectio VI.

Beato Martino Turonensium Archiepiscopo fuit valde familiaris & ejus præsentia, antequam diem extremum clauderet, frui meruit. Nam Angelicâ revelatione monitus Martinus ad Liborium accessit, quem lecto humili strato cilicio recumbentem, & ad futuram vitam suspirantem inventit. Eumque suâ benedictione consolatus, posteà mortuum honorifice sepeliri curavit in Ecclesiâ Apostolorum Petri & Pauli, quam beatus Julianus olim construxerat: ubi sancti Liborii corpus requievit, donec postea in Saxoniam, Deo ita disponente Reliquiae ejus translatæ sunt.

R. Iste est.

IN III. NOCTURNO.

Homilia in Evang. Homo peregrin.
Cum reliquis de communi.

Missa: Statuit. Oratio ut supra. Credo. Secreta & Postcomm. prop.